

TANGAZO LA SERIKALI NA.460 La Tarehe 12/6/2020

SHERIA YA FEDHA YA SERIKALI ZA MITAA

—
SURA. 290
—

SHERIA NDOGO

—
(Imetungwa chini ya Kifungu cha 7(1) na 16 (1))
—

SHERIA NDOGO YA ADA NA USHURU WA MADINI YA UJENZI YA HALMASHAURI
YA WILAYA YA SAME YA MWAKA 2020

- | | |
|---------|--|
| Jina | 1. Sheria Ndogo hii itaitwa Sheria Ndogo ya Ada na Ushuru wa Madini ya Ujenzi ya Halmashauri ya Wilaya ya Same ya Mwaka 2020. |
| Tafsiri | 2. Katika Sheria Ndogo hii isipokuwa itakapoelezwa vinginevyo;
“ada” maana yake ni malipo yatakayolipwa na mtu yeyote kwa Halmashauri kwa ajili ya kupata kibali kinachotolewa na Halmashauri kwa mujibu wa Sheria Ndogo hii;
“Halmashauri” maana yake ni Halmashauri ya Wilaya ya Same;
“kibali” maana yake ni idhini au ruhusa ya maandishi inayotolewa kwa mujibu wa Sheria Ndogo hii;
“madini ya ujenzi” maana yake ni tarazo, moramu, udongo, kifusi, kokoto, mawe, mchanga, chokaa, gypum,bauxite, jasi na magnesite;
“Mkurugenzi” maana yake ni Mkurugenzi Mtendaji wa Halmashauri ya Wilaya ya Same na ni pamoja na |

Afisa yeyote atakayeteuliwa kutekeleza majukumu kwa niaba ya Mkurugenzi;

“ushuru” maana yake ni tozo inayotozwa na Halmashauri kwa shughuli zinazohusu ununuzi wa madini ya ujenzi katika eneo la Halmashauri;

“Wakala” maana yake mtu, taasisi, kikundi cha watu, kampuni au asasi iliyoteuliwa na Halmashauri kukusanya ushuru wa madini ya ujenzi kwa niaba yake.

Maombi ya
kibali

- 3.-
- (1) Mtu, taasisi au kampuni inayokusudia kuanzisha machimbo ya madini ya ujenzi katika eneo la Halmashauri itatakiwa kuwasilisha maombi ya kibali cha uchimbaji wa madini ya ujenzi kwa kupitia fomu maalum itakayotolewa na Halmashauri.
 - (2) Maombi ya kibali yatatakiwa kuambatishwa na taarifa zifuatazo:
 - (a) leseni ya uchimbaji wa madini iliyotolewa na mamlaka husika
 - (b) aina ya madini yanayokusudiwa kuchimbwa;
 - (c) umiliki pamoja na ukubwa wa eneo linalokusudiwa kuchimbwa madini ya ujenzi;
 - (d) mpango wa utunzaji wa mazingira katika eneo la machimbo; na
 - (e) muhtasari wa kijiji ambacho uchimbaji wa madini ya ujenzi utafanyika ukionyesha kukubaliana na uchimbaji huo.
 - (2) Halmashauri, ndani ya muda wa siku saba tangu kupokea maombi, itatakiwa kukagua eneo ambalo uchimbaji wa madini ya ujenzi unakusudiwa kufanyika ili kujiridhisha iwapo eneo hilo linafaa kwa shughuli za uchimbaji wa madini ya ujenzi.
 - (3) Halmashauri, ndani ya muda wa siku saba tangu kukamilika kwa ukaguzi wa eneo linaloombewa

kibali itatakiwa kukubali au kukataa maombi hayo na endapo itakataa itatoa sababu za kukataa maombi hayo.

Wajibu wa
mpewa kibali

4. Mtu, taasisi au kampuni iliopewa kibali cha uchimbaji wa madini ya ujenzi itatakiwa:

- (a) kulipa ada ya kibali iliyoainishwa katika Jedwali la Kwanza la Sheria Ndogo hii ambayo italipwa kila mwaka ambao shughuli ya uchimbaji wa madini ya ujenzi itakuwa ikifanyika;
- (b) kuzingatia masharti ya Sheria Ndogo hii na masharti ya kibali cha uchimbaji wa madini ya ujenzi; na
- (c) kulipa ushuru na tozo mbalimbali zitakazotozwa na Halmashauri kwa mujibu wa Sheria Ndogo hii au Sheria Ndogo nyingine iliyotungwa na Halmashauri.

Muda wa
uchimbaji na
masharti ya
usafirishaji

- 5.-
- (1) Shughuli za uchimbaji, uuzaji na ununuzi wa madini ya ujenzi katika eneo la Halmashauri zitafanyika kuanzia saa kumi na mbili asubuhi hadi saa kumi na mbili jioni ya kila siku.
 - (2) Bila kujali masharti ya kifungu kidogo cha (1), Mkurugenzi anaweza kutoa kibali maalum kuruhusu shughuli za uchimbaji, uuzaji na ununuzi wa madini ya ujenzi kufanyika nje ya muda ulioainishwa katika kifungu kidogo cha (1).
 - (3) Kila mmiliki wa gari linalosafirisha madini ya ujenzi atatakiwa kuhakikisha kuwa gari hilo limefumikwa wakati wote wa usafirishaji wa madini ya ujenzi.

*Sheria Ndogo ya Ada Na Ushuru wa Madini ya Ujenzi ya Halmashauri ya
Wilaya ya Same*

Tangazo la Serikali Na. 460 (Linaendelea)

- | | |
|---|---|
| Ushuru wa madini ya ujenzi | 6.- Kutakuwa na ushuru wa madini ya ujenzi ambao utalipwa na mnunuzi au msafirishaji wa madini ya ujenzi kwa viwango vilivyoainishwa katika Jedwali la Pili la Sheria Ndogo hii. |
| Vituo vya ukaguzi | 7.-
<div style="margin-left: 20px;">(1) Kutakuwa na vituo vya ukaguzi wa malipo ya ushuru wa madini ya ujenzi katika njia zinazoingia au kutoka katika maeneo ya machimbo ya madini ya ujenzi.
(2) Kila dereva wa gari au chombo chochote cha usafiri kilichobeba madini ya ujenzi atatakiwa kusimama katika kituo cha ukaguzi wa malipo ya ushuru wa madini ya ujenzi na kuonyesha stakabadhi ya kielektroniki kuthibitisha kulipwa kwa ushuru wa madini ya ujenzi yaliyo katika gari au chombo cha usafiri anachoendesha.</div> |
| Matumizi ya stakabadhi ya kielektroniki | 8. Halmashauri au Wakala atatakiwa kutoza ushuru kwa kadri itakavyokuwa kwa kutumia mashine za kielektroniki. |
| Kufutwa au kusimamishwa kwa kibali | 9.-
<div style="margin-left: 20px;">(1) Mkurugenzi anaweza kufuta au kusimamisha kibali cha uchimbaji wa madini ya ujenzi endapo atajiridhisha kuwa kuna ukiukwaji wa masharti ya Sheria Ndogo hii au masharti ya kibali cha uchimbaji wa madini ya ujenzi.
(2) Kwa kuzingatia masharti ya kifungu kidogo cha (1), Mkurugenzi kabla ya kufuta au kusimamisha kibali atatakiwa kutoa notisi ya siku saba kwa mtu, taasisi au kampuni iliyopewa ilani ya kusudio la kufuta au kusimamisha kibali.
(3) Notisi itakayotolewa kwa mujibu wa kifungu</div> |

- kidogo cha (2) itaainisha sababu za kusudio la
kufuta au kusimamisha kibali husika.
- (4) Endapo kibali kitafutwa au kusimamishwa,
mtu, taasisi au kampuni iliyopewa kibali cha
uchimbaji wa madini ya ujenzi itakoma
kuchimba madini hayo.
- Wakala 10. Halmashauri inaweza kuteua mtu, kikundi cha watu,
taasisi au kampuni kukusanya ushuru kwa niaba ya
Halmashauri.
- Makosa na
adhabu 11. Mtu yeyote ambaye:
- (a) ataanzisha machimbo ya madini ya ujenzi
bila kuwa na kibali kilichotolewa chini ya
Sheria Ndogo hii;
- (b) atasafirisha madini ya ujenzi bila kulipa
ushuru;
- (c) atachimba madini ya ujenzi kabla au
baada ya muda ulioruhusiwa kuchimba;
- (d) atasafirisha madini ya ujenzi katika gari
ambalo halijafunikwa; au
- (e) atamshawishi mtu au kundi la watu
kutolipa ushuru,
- atakuwa ametenda kosa na akipatikana na hatia
atatozwa faini isiyopungua shilingi laki Mbili na
isiyozidi shilingi milioni moja au kifungo
kisichopungua miezi kumi na mbili na kisichozidi
miezi ishirini na nne au adhabu zote mbili kwa
pamoja yaani faini na kifungo
- Kufifilisha
kosa 12. Mkurugenzi anaweza kufifilisha kosa kwa kumtoza
mtu yoyote aliyetenda kosa kwa mujibu wa Sheria
Ndogo hii kiasi kisichopungua shilingi laki mbili
(200,000/=) na kisichozidi shilingi laki laki tano
(500,000/=) iwapo mkosaji atakiri kosa kwa hiari na
kuwa tayari kujaza fomu maalum iliyoainishwa
katika Jedwali la Tatu la Sheria Ndogo hii na kuwa

*Sheria Ndogo ya Ada Na Ushuru wa Madini ya Ujenzi ya Halmashauri ya
Wilaya ya Same*

Tangazo la Serikali Na. 460 (Linaendelea)

tayari kutimiza wajibu wake kwa mujibu wa Sheria
Ndogo hii.

Kufutwa kwa
Tangalo la
Serikali Na. 97
la tarehe
11/03/2011 na
Tangazo la
Serikali Na.
382 la tarehe
15/5/2020

13. Sheria Ndogo za Ushuru wa Madini ya Ujenzi za
Halmashauri ya Wilaya ya Same, 2011 na Sheria
Ndogo za Ada na Ushuru wa Madini ya Ujenzi ya
Halmashauri ya Wilaya ya Same, 2020 zimefutwa.

*Sheria Ndogo ya Ada Na Ushuru wa Madini ya Ujenzi ya Halmashauri ya
Wilaya ya Same*

Tangazo la Serikali Na. 460 (Linaendelea)

JEDWALI LA KWANZA

(Limetengenezwa chini ya Kifungu cha 4(a))

ADA YA KIBALI CHA UCHIMBAJI WA MADINI YA UJENZI

NA	AINA YA MADINI	KIWANGO (TSH.)
1.	Madini yote ya ujenzi	50,000/= kwa kila kibali

JEDWALI LA PILI

(Limetengenezwa chini ya Kifungu cha 6)

USHURU WA MADINI YA UJENZI

NA	AINA YA MADINI	KIWANGO (TSH.)
1.	Tarazo	1,000/= kwa tani
2.	Mawe	1,000/= Kwa tani
3.	Moramu	1,000/= kwa tani
4.	Kokoto	1,000/= kwa tani
5.	Udongo	1,000/= kwa tani
6.	Kifusi	1,000/= kwa tani
7.	Mchanga	1,000/= kwa tani
8.	Jasi	1,000/= kwa tani
9.	Gypsum	1,000/= kwa tani
10.	Bauxite	1,000/=kwa tani
11.	Magnesite	1,500/= kwa tani

*Sheria Ndogo ya Ada Na Ushuru wa Madini ya Ujenzi ya Halmashauri ya
Wilaya ya Same*

Tangazo la Serikali Na. 460 (Linaendelea)

JEDWALI LA TATU

(Limetengenezwa chini ya Kifungu cha 12)

HATI YA KUFIFILISHA KOSA

Mimi.....nakiri kwa hiari yangu
mwenyewe mbele ya.....ambaye ni Mkurugenzi wa
Halmashauri ya Wilaya ya SAME kwamba Tarehe.....ya Mwezi.....Mwaka
.....nilitenda kosa la kukiuka masharti ya kifungu chacha Sheria
Ndogo ya Ada na Ushuru wa Madini ya Ujenzi ya Halmashauri ya Wilaya ya Same ya Mwaka
2020.

Kwa mamlaka aliyopewa Mkurugenzi wa Halmashauri nipo tayari kulipa kiasi cha shilingi
.....na kutimiza wajibu wangu kwa
mujibu wa Sheria Ndogo hiyo badala ya kushtakiwa Mahakamani.

NATHIBITISHA KWAMBA MAELEZO HAPO JUU NI YA KWELI NA NIMEYATOA KWA
HIARI YANGU KADRI YA UFAHAMU WANGU

Leo Tarehe.....ya Mwezi.....Mwaka.....

Jina.....

Saini.....

Mbele ya:

Jina.....

Cheo.....

Saini.....

*Sheria Ndogo ya Ada Na Ushuru wa Madini ya Ujenzi ya Halmashauri ya
Wilaya ya Same*

Tangazo la Serikali Na. 460 (Linaendelea)

Muhuri wa Halmashauri ya Wilaya ya Same umebandikwa kwenye Sheria Ndogo hizi kwa Azimio lililopitishwa na mkutano wa baraza la Madiwani ulioitishwa tarehe 15/5/2018.

ANNA CLAIRE SHIJA,
*Mkurugenzi,
Halmashauri ya Wilaya,
Same*

CHRISTOPHER M. IRIRA,
*Mwenyekiti,
Halmashauri ya Wilaya,
Same*



NAKUBALI,

Dodoma,
16 Aprili, 2020

SELEMANI S. JAFO (MB),
Waziri Wa Nchi –OR–Tamisemi.